

Nunatta imartaani angalasut tamarmik EPIRB-mik, piumasaqaatit, peqalernissaat anguniarlugu Naalakkersuisut naalagaaffimmut saaffiginnissuteqarnissaat pillugu Inatsisartut aalajangiiffigisassaattut siunnersuut
(Inatsisartunut ilaasortaq Doris Jakobsen Jensen, Siumut)

Akissuteqaat

(Ineqarnermut Attaveqaasersuutinullu Naalakkersuisoq)

Aappassaaneerineq

Aallarniutigalugu Sanaartornermut Ataatsimiititaliap siunnersuummik peqqissaartumik suliaqarsimaneranut, Naalakkersuisut sinnerlugit qutsavigerusuppara.

Aalisartunut, umiartortunullu sillimaniarnerup pitsanngorsarneqarnissaata sulissutigineqarnissaa, Inatsisartuni ataatsimoorukkatsigu nuannaarutigaara.

Sanaartornermut Ataatsimiititaliap erseqqissaatigaa, imaani sillimaniarnerup qulakkeerneqarnissaani aaqqiissutissaq eqqortoq ataasiinnaasariaqanngitsoq.

Tamanna pillugu Naalakkersuisut Naalagaaffeqatigiinnermi oqartussaasunik eqqartueqateqarnerini, atortut assingusut ilaatinneqarsinnaaneriniq ammaassisumik ataatsimiititaliaq allannguutissatut siunnersuuteqarpoq.

Sanaartornermut Ataatsimiititaliap allannguutissatut siunnersuutaannut Naalakkersuusunit isumaqatigaarput.

Naatsumik taamatut oqaaseqarluta Naalakkersuisunit inassutigaarput, Sanaartornermut Ataatsimiititaliap allannguutissatut siunnersuutaa Inatsisartuni oqaluuserineqassasoq.